



ЛЕНИНЭНЬ КИЯВА

ВЛКСМ-нь Мордовской обкомонть ды Сарайск ошонь комитетэнь газетаст

1941 ие
ЯНВАРЕНЬ
31-це чи
12 (1308) №

ЛИСИ: 11-це ие,
12 № ковс

Тонавтнемс передовиктнень опытэст

Партиянь XVIII-це съезд-сэнь Сталин ялгась аравтсь покш задача: маласо 10—15 иетнень перть сасамс ды икельямс сех развитой капиталистической мастортнэнь экономической отношениянть.

Те исторической задачанть топавтоманзо кис комсомолонтень ды од ломатнень эряви использовать весе возможности.

Нетъ возможностьнень эйстэ вейкес—передовиктнень роботань опытэст максомась. Минек улить истят од ломат, конат невить коммунистической организованностень ды дисциплинированностень пример, трудонтень ды тонавтнемантень сознательной коммунистической отношениянть пример. Ды те примеранть теить достояниякс весемень туртов.

Мария Печказова (Чамзинской район, «13 Октябрь» колхоз) 1938 иестэ гектарсто сайсь 17,5 центнер мушко. Ней сайсь обязательства истямо: 1941 иестэ получамс 20 центнер эрва гектарсто. Сонзэ роботань опытэнзэ тонавтнень комсомольско-молодежной звенатнесэ.

Ламо таркасо а маштыть передавать передовиктнень опытэст. Вана Зубово-Полянской райононь Ворошилов лемсэ колхозонтень ули комсомолка

А. Чадайкина. Сон 1939—40 иетнень перть кастась 23 ватшо ды эрванть упитанностезэ вадра. Комсомолонь райкомонь руководителне и комсомольской собраниясо, и республиканской совещаниясо лещитнень сонзэ фамилиянзо, но опытэнзэ максоманть эзизь организова. Комсомолентнэ те шкас а содыть, кода Чадайкина ялгась добавась истят успехть.

Передать лиятнень передовиктнень опытэст—те аволь се, штобу эрва косо склонять падежень коряс сынет фамилияст, но пачтамс эрва од ломаненть сознанияс роботань опытэст.

Мекс бу сынет роботань опытэст а сёрмалемс районной ды республиканской газетатнес? Роботань опытэнт истя жо можна толковамс комсомолентнэнь ды од ломатнень собраниясо.

Бути минь седе ламо мель карматано явомо передовиктнень опытэст распространениянть, комсомолентнэнь ды од ломатнень питней инициативанть,—роботань успештне улить седе вадрат ды лездатно мастортнень ВКП(б)-нь XVIII-це съездэнь исторической решениянть топавтомасонть. Тейсынек передовиктнень опытэст весемень достояниякс!

Комсомолентнэнь инициативаст коряс

Покш Маризь велесэ улить еще сёрмас а содыця колхозникть ды колхозницат.

Комсомолентнэнь инициативаст коряс организоваз сынет тонавтоманть туртов кавто группат. Эйзэст якить комсь

колхозница. Вейке группанть вети Шмайкина ялгась, омбонень—Морозова ялгась. Занятиянень ютавтнить регулярна.

Л. Каменцев.
Чамзинской район.

„Невтеде О ды Т“...

Антоновка велень Молотов лемсэ колхозонь комсомолентнэ январень 24-це чистэ эсест собраниясо решиз кармамс сёрмас а содыця ды аламо содыця колхозниктнень тонавтомо.

Сеске жо комсомолентнэ кундасть тевс. Неграмотностень ликвидациянть коряс роботас привлеки кавто учительть, конат кармасть уш тонавтомо 23 ломань. Кавто грамотной комсомолент аравтозь культурмеепэкс, но сынет арась теень коряс опытэст. Эряви тенет лескс.

Январень 25-це чинь чокшне сынъ молють учительница-тень Зюзина ялганть, сон жо комсомольской организациань секретарь.

Зюзина ялгась кавто комсомолентнэнь—культурмеецтнэнь кудозонзояк эзинзе нолда. Бенкш удало кармасть кевкснемест: 22

— Мекс сыде?

— Евтневлик бу тенец, мейстэ ды кода ушодомс сёрмас а содыцянтень тонавтоманть.

— Моледе ды невтеде тенет О ды Т. Марятадо? Невтеде тенет О ды Т букват...

Культармэнтэ омбончептэнтъкак вастыксылизь Зюзина ялганть, штобу парынестэ корнемс мартоно, лескс получамс. Ансяк костояк сонзэ эзизь мые.

Истя те комсомолкась-учительницась, комсомольской организациань секретарес Зюзина ялгась «лезды» комсомолентнэнь топавтомо ответственной се тевенть, конань сынет кемизе комсомольской собраниясь. Зюзина ялгась а вечксы, зярдэ сонензэ кить-бути сакшныть, болыть сонзэ «покоензэ». Сон эсензэ личной интересэнзэ аравтни общественной интереснэде сарейстэ. Чарьковдеви, што те кодак несовместимо комсомолсо улеманть марто.

И. П. Липатов.
Дубенской район.

XVIII-це ПАРТКОНФЕРЕНЦИЯНТЬ ЛЕМСЭ СОЦИАЛИСТИЧЕСКОЙ СОРЕВНОВАНИЯСЬ

Кавто звенань соревнования

Велень советань депутатось П. Суханова ялгась Ардатов велень Калинин лемсэ колхозонтень ловови сехте вадра звеньевоекс. Ней сонзэ звенась сортови видметь. Звенасонть весемензэ 6 ломать. Сынъ эсь ютковаст ветить партийной 18-це конференциянть лемсэ социалистической соревнования. Эрва чистэ нормаст топавтнить 200 процентс.

Видметь сортирови Е. Биушкина ялганть звеназояк. Те звенась соревнуется Суханова ялганть звенанзо марто. Норматнень истяжо топавтн 200 процентс.

П. Вачаев.
Дубенской район.

Соревнованиянть передовиктне

Болдасевской машинно-тракторной станциянть роботниктне сайсь эсь лангзост обязательства: февралень 15-це чинть самс прыдом весе трактортнэнь ды велень хозяйствань лия машинатнень ремонтонть.

Ламо трактористт, конат роботыть ремонтонь коряс, тевсэ топавтнть эсь обязательстванень, выработань норматнень топавтнить 110—120 процентс, роботасост овси а теинить брак.

Пронин ды Сарайкин ялганть бригадатне шкадо икеле прыдыз трактортнэнь ремонтонть. Слесарной цехень токарь эрвачинь заданиянзо топавтн 160 процентс.

Г. Николаева.
Ичалковской р-н.

Социалистической лескс

Якстере Армиясо служамодонзо икелеяк Комаров ялгась лововес Чамзинской МТС-нь примерной трактористнэсэ вейкес. Те сёксня сон сась Якстере Армиясто ды покш инициатива марто кундась таго эсь вечкевикс тевентень—тракторсо роботамонтень.

— Тракторонь ремонтонть,—корты Михаил Григорьевич,—прыдя, сродко икеле ды роботам ловозь отличнойкс. —Большевистской XVIII-це партконференциянть чествэ сайн социалистической обязательства—лездамс Сталин лемсэ колхозонтень (Медаева веле) велень хозяйствань инвентаренть ремонтировамос.

Комаров ялганть валонзо зярдояк а явкшныть тевтнестэ. Сынъ колхозонь од ломатнень марто вейсэ колмо бригадава прыдыз ремонтонть, лия бригадатнесаяк прыдови маласо читнестэ.

Ю. Васильева.
Чамзинской р-н.



СНИМКАСОНТЬ: Красный Узел станциянть вагоно-ремонтной пунктонь стахановецэсь-электросварщикес В. М. Волков ялгась. Сон тевсэ топавтн эсь обязательстванзо, конатнень сайнинзэ партиянь XVIII-це конференциянть чествэ.

Выработкань норматнень Волков ялгась топавтн 300 процентс.
Фотось П. Ивановн.

Улемс анококс медицинской лесксэнь максомо

Минек школань РОКК-нь организациясь ютавты оборонной покш работа Сарайск ошонь эрицянтень ютксо. Мельце колмо ковтнень перть аноктасть ГСО-нь коряс 949 значкист. РОКК-нь сех активной члентнэ: Баженова ялгась те шканть перть аноктасть 137 значкист, Елифанова ялгась—127, Федотова—111 значкист.

Школасонть ды общежитиянэсэ организоваз 33 санпост, косо лововить 132 ломань. Сынъ анокстыть эсь прытсенень, штобу маштомс эрва шкане эрявикс медицинской лесксэнь максомо.

Паро успеваемостенть ды дисциплинанть кис

Чукало велень средней школасонть тонавтнема иень васынь четврьстэнтъ успеваемостесэ ульнесэ 61,65 процент. Васенце полугодиянть прыдовомо шканть сон кепетсэ 71,3 процентс. Теке жо шкастонть пек седе алкалгась посещаемостесэ, пачкодсь 90 процентс.

Сех ламо тонавтицянтень успеваемостесэ вадра, а берянь дисциплинаськак. Но улить истят, конат сынъ тонавтинь беряньстэ, сеетсьтэ а сакшныть школав, уроксэ тейнить хулиганской тевть ды мешить тонавтнемс лиятнень. Вана сынъ: В. Купкин, Н. Исаккин, Н. Бутейкин, И. Аношкин ды лият.

Теве башка 30 ломаньстэ сформированной объектовой санитарной дружина. Те дружинантъ эйстэ организоваз 6 пешеходной командат, конат парсте аноктасть Якстере Армиянь XXIII-це годовщинанть лемсэ лыжной комсомольской кроссонтень.

Минь сайнек социалистической обязательства ВКП(б)-нь 18-це конференциянть панжомачинтень аноктаме 300 ломань ГСО-нь значкистэкс.

А. Кудашкин,
Фельдшерско-акушерской школань РОКК-нь председателень заместитель.

Ник. Базайкин.
Ардатовской район.

Иван Васильевич Бабушкин

(Кулома чидензэ мейле 35 иень топодемантень)

«Приятна ды радостна содамс, што вересь, конань обильно валеть минек ломатне, эзь юта стяко, што сон максесь эсензэ результатт», — вортасть Сталин ялгась ССР-нь Союзонь Конституциянь проектэнзэ докладсонть Советнэнь исторической Чрезвычайной VIII-це съездсэнь.

Русской робочей классонь сехте неявике представительтень ютксо, конатнень питней верест валозель икелепелень вадря эрямонть кис, социализмань победанть кис, — ульнесь Иван Васильевич Бабушкин.

Истят ломатнень, кодамоль Бабушкин, Ленин ловсь народный героке, ломанекс, конатнестеме «русской народось пингедь-пингес кадоволь бу рабонь народокс, холопонь народокс».

И. В. Бабушкин кулось боевой пост лангсо 35 неде теде икеле...

1905 иестэ Московской декабрьской вооруженной восстаниянь лепштямонзэ мейле, зардо ушодовсь уш поворот революциянь аламонь-аламонь отступлениентень, масторонть келес злыдардильть царской карательной экспедицият, конат казямосто расправлялись робочей классонть марто. Кровавой барононть Рененкампфонь карательной экспедициясь, кона свирепствовал сибирской чугункань китнень ланга, лоткавтызе вагононть, конаньсэ Бабушкин ускиль оружия Читасто Иркутское, капшиль восставшей робочейтнень лездамо. 1906 иень январень 31-це (18-це) чистэнь Бабушкинень ды сонзэ вете ялгатнень зверски ледизь царской опричнштине.

В. И. Ленин сестэ ульнесь эмиграциясо, Бабушкинень куломань обстоятельство тнеде кармасть содамо анык 1910 иестэ. Некрологсонть, конань посвятил эсензэ ученикентень, ялгантень, Ленин сёрмадсь:

«Бабушкин кулось царской опричнштень казямозе зверской расправань жертваке, но, куломсто, сон содась, што теверсь, конанень сон максызе весе эсензэ эрямонзэ, а кулы, што сонзэ кармить тееме кементь, сядот тышат, миллионть лия кедть, што те теверть кис кармить кулсеме лият ялгаробочейть, што сын кармить бороцямо се шкас, зарс а изнись...» (Ленин, соч. XIV т., 397 стр.).

Кемнилее иесэ сон кармасть улеме ученикекс Кронштадсо торпедной мастерскойсэ; сонзэ зарплатазо ульнесь 20 трешник чизэнзэ.

Кронштадсо вачодо 4 иень ютавтомадо мейле сон сась Петербургов. Пек стакаль тензэ муемс робота, мейле понгсь Семьяниковской заводонть (ней те заводось Ленинень лемсэ). Тесэ сеть шкатнестэ роботамонь чись ульнесь 14 част...

Бабушкин пек бажиль знания ды куруксто сон понгсь Нарвской заставасть омбоце ёно школав, косо тонавтильть эрва недлячине чокшнень чокшнень. Те школасонть учитель-

никакс роботась Надежда Константиновна Крупская.

Те школасонть Крупская ялгась ды лия марксистнэ школьной предметнень — арифметиканть, географиянь — преподаваниянь видень коряс ветьлить революционной робота.

Способной, одаренной од робочеесь пек тусь учительница-пропагандистка Крупская ялганть мелсь, ды кода 1893 иестэ Петербургов сась В. И. Ленин, Надежда Константиновна сонзэ васняк тензе содавиксэкс Бабушкин марто.

В. И. Ленинень ды Бабушкинень вастомась кавонест эйс тейсь покш впечатления. Бабушкин понгсь се кружоконтень, конаньсэ руководил Ленин. Теде мейле вечкевикс ученикенть марто вечкевикс учителесь свал кирдиль связь, косо бу те или тона аволь



уле. Сезевсь те связесь анык сестэ, зардо кулось Бабушкин.

В. И. Ленинень кружоксонть тонавтнесь, эсь лангсонзэ кеместэ роботазь, Бабушкин пек бойкасто каск; сонзэ эйстэ лиссь марксистски-образованной, квалифицированной пропагандист ды организатор, сон кармасть улеме ленинской кадровиктень — профессионалнень-революционертнень эйстэ вейкекс, конатнестэ сестэ уш кармасть теевеме Россиянь пролетариатонь будущей партиянь основась.

«Робочей классонть оляксомтоманзэ кис бороцямонь Петербургской Союзонть», конань организовакшнызе В. И. Ленин — «революционной партиянь васенце серьезной зачатоконт, кона нежедиль робочей движениянь лангс», — разгромил царской охранкась. Ленингак арестовазель. Бабушкин — «Бороцямонь Союзонть» активной роботникесь — случайной случайностень коряс кадовсь оляс. Сонензэ савсь ветьме ответственной пош роботы организациянь восстановления коряс.

Бабушкинень революционной деятельностьсэ сезизь царской жандарматне. 1896 иень августонь 12-це чистэ сонзэ арестовизь.

13 ковт Бабушкин ютавтсь одиночной предварительной заключениясо, мейле сонзэ павизь столичастонть колмо иес. Иван Васильевич мольсь эрямо промышленной покш центронтень — Екатеринбург (ней Днепропетровск).

Бабушкин кармасть роботамо Брянской заводсонть, сямавсь тов панезь петербургской ялгатнень марто, сон вети организационной, пропагандистской ды агитационной покш робота. Сон сех ламо мель явилсь прокламациянень ды листовкатнень распространениянень, конатнень эйстэ ламонтень сёрмадиль сонсь. Неть листовкатнень печатамонть туртов Бабушкин тейсь тайной типография.

Колмо неть истя роботась Екатеринбургсо. Но 1900 иестэ кармасть мельганзо пансеме екатеринославской охранниктне. Бабушкин фатысь тенень ды оргодсь тосто.

Бабушкин кучсь сёрма В. И. Ленинень, кона сестэ сась сибирской ссылкасто. 1900 иень кизна Ленин сонзэ тердизе Псковов «Искра» газетанть созданиядо вопросонть коряс совещанияв. Бабушкин примась активной участия ленинской «Искранть» подмамонь планонть толковамосонзо.

Псковской совещаниядонть мейле В. И. Ленин Бабушкинень кучизе «Искранть» агентэкс текстильной крупной районтэс — Иваново-Вознесенское, Орехово-Зуевав. Тосто, местной партийной организациянь строизь ды кемекстазь, Бабушкин кучиль ленинской «Искранть» ламо материал. Ламо сон сёрмадиль сонсь, теке жо шкане организовиль «Искранть» робочей-корреспондентт. В. И. Ленинень заданиянзо коряс сёрмадсь агитационной пек паро брошюра «В защиту Иваново-Вознесенских рабочих».

1901 иень декабрь ковсто царской охранниктне арестовизь партиянь Орехово-Зуевской комитетанть, конань организовакшнызе Бабушкин. Бабушкинень озавтызе Екатеринбургской тюрьмас, косо сон аштесь 1902 иень июль ковс, мейле тосто оргодсь ды тусь Лондон, косо сестэ ульнесь В. И. Ленин.

В. И. Ленин Бабушкинень Лондонсто кучизе Петербургов «Искра» газетанть агентэкс. Тесэ сонензэ савсь ветьме покш робота сень коряс, штобу столичной робочей движениянь эйсэ руководстванть саемс «экономистнень» кедьстэ.

Ответственной те роботанть марто, кода неяви оценоксонть, кона ули В. И. Ленинень материалтнэсэ, Бабушкин справилсь пек парсте.

1903 иень январень меельсь читнестэ Бабушкин таго арестовазель. Омбоце пель ие сонзэ кирдизь одиночной заключениясо, мейле жо павизь Сибирев — Верхоянское.

35 иеть седе мейле... Но труднатыне зардоак а стувтсызь робочей классонь сех вадря ператнень эйстэ вейкенть, ленинской питомецанть, ленинской «Искрань» идеатнень тевс апаксизе ютавтыцянт — Иван Васильевич Бабушкинень, кона весе эрямонзэ максызе од типень пролетарской партиянь, Ленинень — Сталинень партиянь созданиянь теветень.

Ц. Зеликсон-Бобровская.



Первоклассниктне сельменсь сьвадозь ваннхыть, кода комсомолетнэ анокстыть кроссонть. Сынйгак пурнавкшныть вейс ды яксить, кираксить сокссо.

СНИМКАСОНТЬ: вишкинька лыжникинь группа. (Саранск ош).

Фотось П. Ивановонь.

ФЕВРАЛЕНЬ 2-це ЧИСТЭНТЬ УШОДОВИ КОМСОМОЛЬСКОЙ ЛЫЖНОЙ КРОССОСЬ

Комсомолетнэ кроссонть анокт

Минек райононь комсомолетнэ ды од ломатне парсте аноктасть Якстере Армиянь XXIII-це годовщианть лемсэ лыжной комсомольской кроссонть.

Районсонть теезельть 70 лыжной команда ды 15 командатне ялго ютамонь коряс. Неть командатнесэ 445 комсомолет. 115 комсомолет максызь уш ГТО-нь значок лангс норматнень.

Педучилищань лыжной 6 командатне ды Ичалковской средней школань 10 командатне регулярно ютавтильть сокссо якамонь коряс тренировкат. Рябов комсомолетнэ командазо (средней школа) умое уш ютызе тренировочной минимумонть, сокссо сон ютась 100 километра. Комсомолетнэнь примерэкс ашти первичной комсомольской организациянь секретаресь Москвин

ялгась, сон тренировочной минимумонь теестэ сокссо ютась 115 километра.

Лыжной командат улить колхозной организациятнесэяк (Кергуды, Оброчное, Баво ды лия велетнесэ). Сынйгак ютавтеть кроссонть анокстамонь коряс покш робота, тейнильть тренировочной походт.

Эряви меремс, што улить истаткак комсомольской организацият, конат аволь анокт кроссонть (Кемлянской спиртзаводонь, Оброченской спиртзаводонь, госбанкнень, промкомбинатонь организациятне). Но районсонть сех ламо комсомольской организациятне, сех ламо комсомолетнэ ды сынст ютксо зарья аволь союзной од ломаткак парсте аноктасть сыт кроссонть.

Г. Свекло, ВЛКСМ-нь Ичалковской РК-нь секретарь.

Учить кроссонть ушодовоманзо

Ст. Шайгово. (Телефон вельде). Ст. Шайговской райононь комсомолетнэ вадрясто аноктасть РККА-нь XXIII-це годовщианть лемсэ лыжной комсомольской кроссонть.

Кроссонть аноктамодо вопросось толковазель весе первичной комсомольской организациятнесэ. Акшова ды Нов-Теризморга велетнесэ ульнесь ютавтозь лыжиктнень проверочной тренировка, конаньсэ примасть участия 20 комсомолет. Васень тарканть санзе Десяев ялганть командазо, кемень

километратнень сон ютынзе 55 минутас. Омбоце тарканть санизь Симдянкин ды Овчинников ялганть командатне.

Тренировкат ютавтозель Летки, Ст.-Теризморга ды лия велетнесэяк. Результатнэ истяжо парт.

Комсомольской кроссонть кармить примамо участия Ст.-Шайговской средней школань 12 пейей ды 5 лыжной командат.

Комсомолетнэ учить кроссонть ушодовома чинть.

Бакулин.

Колхозной кадрань аноктамось

Мордовской АССР-нь Наркомземнень колхозной кадрань республиканской школась (Ардадова ош) аноксты велень хозяйствань специалистт республикань 11 райононь туртов.

Январень 18-це чистэ школась нолдась 28 специалистт

птицеводствань коряс. Те ковсонть улить аноктасть птицеводческой фермань еще 68 роботник.

Ответственной редакторось А. ЩЕГЛОВ.